

Ubummeli Nokwenza Ushintsho

Ababambiqhaza bazofunda ngokuphathelene nobummeli ngokubona isu elithinta umphakathi wabo kanye nokucabangisisa ngamashintsho amabili abafuna ukuwabona esikhathini esizayo ngokuqondene naleyo nkinga.

Buyini Ubummeli?

Ingxenye Yokuqala

Tshela Abafundi Bakho

Kunezici eziningi zomphakathi wethu nokusizungezile esikuthokozelayo. Mhlawumbe siyabajabulela abangane bethu. Kungaba ukuthi sijabulela ukudlala imidlalo ethile njengeqembu. Mhlawumbe sithanda ukuthola amathuba okulalela umculo omusha kubaculi esibathandayo.

Kodwa, ngezinye izikhathi kuba nezici ezimayelana nomphakathi wethu ezingasihlaleli kahle. Mhlawumbe isikole sakho sibeke inqubo entsha yokugqoka, yezambatho ezibizayo okungelula ukuzithenga. Mhlawumbe usombusazwe okhethiwe uzama ukwenza imithetho engacabangeli izidingo zethu. Kungenzeka ukuba izinketho zezokuthutha lapho sihlala khona azenzelwanga ukusimikisa ezindaweni esidinga ukuya kuzo.

Ake sithi uqaphele ukuthi iziteshi zamabhasi ziphoqelegele wonke umuntu ukuba agibele amabhasi amathathu athathe nohambo olude lwezinyawo ukuze afike emakethe enkulu eseduzane.

Buza Abafundi Bakho

Ungazama kanjani ukukushintsha lokho?

Ingabe bakhona yini abantu ongabafinyelela abangakusiza?

Mhlawumbe unabangane ababhekene nezinye zezinkinga ezifana nezakho. Ningakumelela kanjani ninonke lokhu?

Ingxenye Yesibili

Tshela Abafundi Bakho

Ezimweni ezinjengalezi, sivame ukucabanga kwangathi izinto zingaba ngcono uma besingakwazi ukushintsha lokho okusicasulayo. Lesi sifiso sokumelela lokho okukholelwayo futhi wenze ushintsho sibizwa ngokuthi “ubummeli.”

Ukuhileleka Kwekilasi

Esikrinini esiphambi kwegumbi, bukeza ingosi esetshenziselwa ubummeli. Khanyisa indlela uhlobo lobummeli olufanekiswe ngayo kuyo kuqale ngabantu, ikakhulu intsha, oye waphawula ukuthi kunenkinga ethinta umphakathi wabo futhi wafunda ukwenza okuthile ukuze azame ukuyishintsha. Izibonelo zomongo wase-United States zihlanganisa Ukuhlwela i-\$15 kanye Nemashi Yabesifazane. Izibonelo eziveza

ubuningi bomhlaba wonke Amaphimbo Omhla Wonke, i-Greenpeace, kanye Nezasendle Zomhlaba.

Tshela Abafundi Bakho

Manje sesizobheka enye indaba emphakathini wenu eniyishisekelayo kanye nezinyathelo ezilandelayo wena nomphakathi eningazithatha ekuxazululeni inkinga.

Isabelo

Isabelo

Isabelo

Hlukanisa ababambiqhaza ngamaqembu angu-3. Nikeza iqembu ngalinye isikhathi kule seshini yamanje, kanye nezinsuku okungenani ezimbili ezigcwele, 1) ukuba licwaninge ngembangela yenkinga emphakathini walo, libone okungenani nezindlela ezimbili leyo nkinga ethinta ngazo umphakathi walo kanye nezindlela zokuxazulula leyo nkinga, 2) nokuba lenze iphosta enikeza ukwaziswa ngenkinga eboniwe kanye nezisombululo abazozethula eqenjini elikhulu njengengxenye “yohambo lwegalari.”

Tshela Abafundi Bakho

Emaqenjini enu,

1. Cwaningani futhi niphawule isici somphakathi wenu (“umphakathi” ungaba yisikole senu, indawo ohlala kuyo, noma iqembu lendawo yakini) eningathanda ukusishintsha. Ungakhuluma nabangane bakho, othisha, kanye nomndeni ngezinto abangathanda ukuzishintsha noma ngezinkinga ezibathintayo.
2. Yenza iphosta, Amaphosta enziwe yiqembu ngalinye azohengwa ebondeni futhi sizokwenza “uhambo lwegalari” sisonke lapho iqembu ngalinye lixoxisana ngenkinga eliyibonile nokuthi lingayixazulula kanjani.

Iqembu ngalinye kumelwe liphawule okungenani izindlela ezimbili ezithinta imiphakathi yalo kanye nezindlela ezimbili zokuyixazulula.

Yibani nobuciko: thathani izithombe nizinameke kwiphosta [ikakhulukazi, qiniseka ukuba ababambiqhaza banemvume yokunyathelisa] ukuze nifanekise inkinga kanye nesisombululo, noma nisebenzise amashadi, amagrafu, ukuze nichaze izinga laleyo nkinga kanye nesisombululo.

Iphosta ngayinye kumelwe ibe “yingqayizivele” -- ngamanye amagama, iphosta kumelwe ibe nokwaziswa okwanele ukuze umuntu oyifundayo aqonde inkinga kanye nezisombululo ezingenziwa ngaphandle kwencazelo yamalungu eqembu.

Isabelo

Nikeza iqembu ngalinye isikhathi esanele ukuba licwaninge ekuthuthukiseni iphosta yalo. Qiniseka ukuthi uba khona ngokuqondene nemibuzo yosekelo lwezobuchwepheshe. Lapho iqembu elikhulu lihlangana futhi, ababambiqhaza ababili mabahange amaphosta ebondeni, unikeze iqembu elikhulu imizuzu engu-20 yokuhambahamba libheke amanye amaphosta, bese nithatha imizuzu engu-30

yokuba iqembu ngalinye lethule iphosta yalo eqenjini elikhulu.